

摘藻堂四庫全書薈要

經部

欽定四庫全書薈要

經部

欽定周官義疏卷四十七

詳校官編修臣程嘉謨





欽定四庫全書薈要卷二千四百十


經部

欽定周官義疏卷四十七

禮器圖三




筥



案舊圖云篚以竹為之如笭長三尺廣一尺深六寸足高三寸有蓋實於篚者若爵若膳若幣若食其制則一也 又案舍人賓客共其筥米聘禮米百筥筥半斛采蘋詩傳曰圓曰筥受半斛陳氏祥道曰筥筥也小於篚

料




案陳氏祥道曰詩維北有斗不可以挹酒漿又曰酒醴維需酌以大斗蓋斗亦謂之勺勺非斗也勺挹於尊彝而注諸爵瓚斗挹於大器而注諸樽彝舊圖樽受五斗斗實五升勺柄長二尺四寸斗柄長三尺蓋其所傳者尚矣史記曰趙襄子令工人作為金斗長其尾可以擊人與代王飲厨人因反斗以擊代王殺之此又非先王之所謂斗

珠 槃



案玉府若合諸侯則共珠槃玉敦注謂敦槃以珠玉
為飾合諸侯者必執牛耳取其血歃之以盟珠槃以
盛牛耳尸盟者執之疏謂玉敦盛血敦槃皆以木為
之鄭司農則又以敦為歃血玉器也 又案鄭注以
敦為槃類疏則以盛黍稷言之朱子則以敦為杯盃
之屬諸家所傳圖亦與盛黍稷之敦同據聶氏圖敦
受一斗二升其盛血之敦當差小而其制則一也故
不復圖又聶氏洗槃與此略異別於禮記圖詳之


量




案陳氏祥道曰臬氏升豆黼止於三漢律厯志五量起於黃鍾之龠以子穀秬黍中者千二百實其龠以井水準其槩十龠為合十合為升十升為斗十斗為斛其法用銅深尺六寸方尺而圜其外旁有庀其上為斛其下斛底為斗左耳為升右耳為合龠其狀似爵其重鈞又曰鼓容十二斛槩以竹木為之五量資之以平也又聶氏崇義曰臬氏疏云六斗四升晏子曰齊舊四量四升為豆四豆為區四區為釜四釜為

鍾由二說推之則升斗合之制大槩可見矣


甌




甌



鬲




庾



案甌盆甑鬲庾五者皆掌自陶人則皆瓦量也據陶人五器皆厚半寸唇寸甌實二鬴六斗四升是甌實一石二斗八升也盆甑實二鬴與甌同惟鬲實五鬴注以豆實三而成鬴言則鬲鬴實斗二升五之則六斗也庾實二鬴僅二斗四升則又小矣據少牢禮廩人槩甑甌陳氏祥道引孫炎說云關東謂甑為鬻則皆釜屬盆則盥盆繅盆禮經殺牲淅米之類皆用之鬲則據士喪禮為敦瓶之屬惟庾之用未聞則小


量而已 又案鄭注以甌為無底甑賈疏云對甑七穿為有底甑陳氏祥道曰春秋時有玉甌則不但陶器矣又林氏希逸曰甌底虛如格子然可蒸物甑則七空不為格子眼又陳氏祥道曰爾雅鼎欵足者謂之鬲郭氏璞曰鼎曲脚也然先儒皆以窾為空

甕



案聘禮疏云既夕注甕瓦器容一斛旒人曰豆實三而成斛四升曰豆則甕受斗二升又聶氏崇義曰甕以盛醢醢高一尺受二斗口徑六寸五分腹徑九寸五分底徑六寸五分腹下漸殺五分與賈說所受不同其各有所授與

几



案司几筵五几詳已覲禮天子設斧依於戶牖之間左右几聘禮宰夫奉兩端以進公於序端受宰几攝之以授賓賓進訝受有司徹主人降受宰几二手橫執以授尸尸二手橫於手閒則行禮之際必授几矣王左右皆有几優至尊也諸侯而下或設之左或設之右祭祀陰事也故右之筵國賓陽事也故左之且吉事變几尚文而几必變也凶事仍几尚質而几常仍也大抵生人几在左鬼神几在右其授之受之有

節其操之辟之有儀阮氏圖云几長五尺高尺二寸
廣二尺兩端赤中央黑漆馬融則云長三尺未知孰
是竊謂几由手授則馬說為長 又案几不特施於
行禮也燕居亦有之士喪禮所謂燕几是也不特施
於燕居也行役亦有之周禮甸役右漆几春秋傳智
伯怒投之以几是也 案司几筵五几曰玉曰彤曰彤
曰漆曰素飾殊而制一故僅以
一几
繫之

席



案周書王牖間見羣臣朝諸侯則重篋席

桃枝

黼純

黼同斧繡斧黑
白采純緣也

西序旦夕聽事則重底席

蒲

綴純

雜采

東序養老饗羣臣則重豐席

傳謂筍席陳氏師凱曰
下有筍席此當為莞席

畫純

五色
雲氣

西夾親屬私燕則重筍席

以弱竹之
皮為之

玄紛

純則王席皆二重周禮司几筵王朝覲大祭祀封國

命諸侯及胙席皆莞筵

蒲

紛純加縹席

削蒲弱展之
編以五采

畫純加次席

桃枝席有
次列成文

黼純凡三重諸侯祭祀蒲筵

績純加莞筵紛純胙席筵國賓莞筵紛純加縹席畫

純皆二重王甸役則熊席喪事則葦席其栢

注作席

則荏黼純

荏細於葦

諸侯則紛純儀禮鄉飲鄉射皆蒲筵

緇布純燕禮注賓席準鄉飲君席準諸侯胙席卿席

如賓而重大射賓有加席公食大夫記賓席亦準鄉

飲而特言常

丈六尺

又加荏席尋

八尺

玄帛純上大夫蒲

筵加荏席純如下大夫注謂孤為賓如司几筵國賓

席士虞禮有葦席扉亦用席禮器有越席

蒲席

郊特牲

有蒲越藁鞮

疏云今禮藁鞮祭天蒲越祭地

玉藻有蒯席

菲草

要之

席緣必華於席以飾必尚文也加席上席必華於下
席上尊也故禮書云席莫貴於次席而次席黼純則
斷割之義惟王所獨是也又席有上下公食大夫疏
所謂織之自有首尾可為識記也又曲禮注云常席
四人賓席一人席之大槩如此其用之有單有重有
加皆於分之尊卑辨之然司几筵王有莞繅次蒲熊
五席而所設止有莞繅次三重諸侯所設亦各二重
而郊特牲乃云天子之席五重諸侯三重彼此互異

故賈疏以郊特牲為大祫之席也然據郊特牲又言
大饗君席三重則不止於祫矣大夫再重故鄉飲鄉
射遵者及燕禮大射卿皆重其燕禮大夫不重者大
夫之席繼賓賓席不重故大夫亦不重也公食聘賓
其重宜矣其大夫不重為賓降也而君亦有為聘賓
降者郊特牲所謂三獻之介君專席而酢焉是也又
禮器云鬼神之祭單席故司几筵葦席士虞禮室中
之席皆不言加其蒲越藁鞞亦不加可知餘居恒坐

席亦不加賓至則加故曲禮曰客徹重席又據鄭注云鋪陳曰筵藉之曰席賈疏云初在地一重謂之筵重在上者謂之席故諸經加席為席也然士冠禮單席亦曰就筵是對文則筵席別散文則通也又據禮器孔疏謂儀禮一種席皆稱重故燕禮注云重席重蒲筵所以鄉射大夫辭加席亦是一種席稱加者以上云公三重大夫再重故變云加是可知重與加分非定論也至所云席有兩則稱兩重席有一則稱

一重席於經無考又據公食記云蒲筵常加萑席尋

則加席視下席為窄蓋以明著其為加耳禮書云筵

席之制短不過尋長不過常中者不過九尺

考工記
匠人度

九尺之
筵是也

純緣之制上不過黼下不過緇布是矣抑不

知席之制亦尊不過次卑亦不過蒯社亦席類禮書

云社於文從衣與簞不同然不可考矣 又案席必

有織組文公食禮云皆卷自末注以末為經之所終

則其經緯可識但其制莫詳故以一席槩之


筮



案說卦傳云聖人幽贊於神明而生蓍其生也守以
靈龜護以卿雲禮記謂假爾泰筮尊之也其數五十
其用四十有九其筮也有分掛揲扚及錯綜參伍引
伸觸類之法天子蓍長九尺諸侯七尺大夫五尺士
三尺故儀禮有立筮坐筮之不同周禮大卜掌連山
歸藏周易三易之法史及筮人卦者占者分掌之儀
禮士冠筮人執筮抽上韝少牢史先抽上韝後抽下
韝韝長視蓍如天子蓍九尺則上下韝各四尺五寸

也。韝從革，則以皮為之矣。


龜



焦



楚
燭



案禮記玉藻云卜人定龜史定墨君定體周禮卜師掌開龜之四兆一曰方兆二曰功兆三曰義兆四曰弓兆龜人掌六龜之屬各有名物天龜曰靈屬地龜曰繹屬東龜曰果屬西龜曰雷屬南龜曰獵屬北龜曰若屬凡取龜用秋時攻龜用春時華氏掌共焦契以待卜事凡卜以明火熬焦遂歛其煖契以授卜師蓋焦者燃火之炬也契者灼龜之木也契謂之煖亦謂之楚煇楚其材也煇其體也契其用也煖與煇其



名一也契與作其義一也凡卜必以墨畫龜以求吉
兆乃鑽之以觀其所拆若從墨而拆大謂之兆廣若
裂其旁岐細出則謂之墨拆墨音問器破而未離之名體者兆象
之形體定者決其吉凶也

杖



案杖長六尺所以優老也王制五十杖於家六十杖
於鄉七十杖於國八十杖於朝祭義曰七十杖於朝
八十不俟朝其說畧別然莫非優老之義周禮伊耆
氏掌國之大祭祀共其杖函函藏杖之具共王之齒杖注
謂年七十王命賜杖故共之杖有函者鄭氏鍔所謂
祭時老臣不敢杖故共函以盛之既事乃授之也


夫 遂 鑒



案內則事佩有金燧木燧皆取火器金燧鏡也木燧鑽火器也金燧在周禮司烜氏謂之夫遂所謂以夫遂取明火於日以鑒取明水於月以共祭祀之明盥明燭明水是也注皆以鏡言之又以鑒為方諸陳氏祥道因方諸說謂鑒體方夫遂圜且引王充論衡曰陽燧取火於日方諸取水於月相去甚遠而火至水來者氣感之也其說是矣乃又引高誘淮南注說以方諸陰燧為大蛤謂熟摩向月則水生以銅盤受之

下水數石此淮南子所謂方諸見月則津而為水也
不知祭取致潔古聖人舍江湖川瀆而求之月惟其
潔耳若蛤之津而為水則血肉之餘胡得謂之明水
且經明言鑒又不當以大蛤混之也

耒耜



案繫傳神農氏斲木為耜揉木為耒耒耨之利以教

天下蓋取諸益考工車人專官為之儀禮士喪又繼

明器而陳之階下月令耕藉則天子親載之參保介

之御間蓋重之也據車人庇

耜同

長尺二寸中直者三

尺有三寸上句者二尺有二寸蓋耒下前曲接耜手

執處為句庇刺也耒下有金古惟一金不歧主於入

土故以刺名然據繫傳第言斲木則創制之始無金

後人踵而增耳匠人云耜廣五寸二耜為耦一耦之

伐尺注以耜一金言之則其廣可知由此推之以及
遂溝洫澮皆然又弦其內得六尺六寸與步相中則
度即在此其利不特上動下入而已

律呂相生相



案禮記禮運曰五聲六律十二管還相為宮周禮太

師掌六律六同以合陰陽之聲子月建黃鐘而辰在

星紀丑月建大呂而辰在元枵寅月建太簇而辰在

娵訾亥月建應鍾而辰在析木辰月建姑洗而辰在

大梁酉月建南呂而辰在壽星午月建蕤賓而辰在

鶉首未月建林鍾而辰在鶉火申月建夷則而辰在

鶉尾巳月建中呂而辰在實沈戌月建無射而辰在


大火卯月建夾鐘而辰在降婁辰與建交錯貿處如

表裏然是其合也其相生則以陰陽六體為之黃鍾

初九下生林鍾之初六林鍾又上生太簇之九二太
簇又下生南呂之六二南呂又上生姑洗之九三姑
洗又下生應鍾之六三應鍾又上生蕤賓之九四蕤
賓又上生大呂之六四大呂又下生夷則之九五夷
則又上生夾鍾之六五夾鍾又下生無射之上九無
射又上生中呂之上六同位者象夫妻異位者象子
母所謂律取妻而呂生子也凡下生者三分去一上

生者三分益一五下六上乃一終矣十二律惟黃鐘九寸林鍾六寸大簇八寸皆全寸而無餘分此三統之道也陳氏祥道曰黃鍾至大簇陽之陽也林鍾至應鍾陰之陰也陽之陽陰之陰則陽息陰消之時陽常下生而有餘陰常上生而不足蕤賓至無射則陰之陽也大呂至中呂則陽之陰也陰之陽陽之陰則陽消陰息之時陽常上生而不足陰常下生而有餘然則自子午以左皆上生子午以右皆下生矣

鐘



以其鉦之長為之甬長
注謂兼衡言之以鉦間
為甬大長故也又以其
甬長為之圍三分甬長
二在上一下以設其提
注旋當甬之中央

舞間之
方得鉦
間之四
八
鉦間
得鉦
間之
于上所擊
之處曰擲
擲謂之隧
隧在鼓中

十分錢去二
以為鉦又去
二以為之鼓
間又去二以
為舞廣

銑 兩鑿謂之銑
蓋鐘口兩角

于
之 銑問謂


鐘口十者其長
十六號間其廣
八林云去兩角有
紋處各一分

銑


鐘帶謂之定家
介于鼓鉦舞
甬之間凡四
四帶間有鐘
乳各九凡三
六乳所謂篆
間謂之枚謂
之景也

鼓間之方得鉦間之六
大鐘十分其鼓間以其
一為之厚小鐘十分其
鉦間以其一為之厚六
分其厚以其一為之深
而圍之

鐺



編鐘
虞箕




案禮記樂記云鐘聲鏗鏗以立號號以立橫橫以立武周官鍾師掌金奏考工記鳧氏為鐘兩欒謂之鈇鈇間謂之于于上謂之鼓鼓上謂之鉦鉦上謂之舞舞上謂之甬甬上謂之衡鐘環謂之旋蟲旋蟲謂之幹鐘帶謂之篆篆間謂之枚枚謂之景于上之擁謂之隧十分其鈇去二以為鉦以其鉦為之鈇間去二分以為鼓間以其鼓間為之舞脩去二分以為舞廣以其鉦之長為之甬長以其甬長為之圍三分其圍


去一以為衡圍大鐘十分其鼓閒以其一為之厚六
分其厚以其一為之深蓋銑也于也鉦也鼓也舞也
鐘之體也甬與衡鐘之柄也國語單穆公曰先王之
制鐘也大不出鈞重不過石律度量衡於是乎生樂
器待律然後制而律度又待鐘然後生故有十二辰
之鐘以應十二月之律十二月之鐘大鐘也大鐘特
縣詩書爾雅所謂鏞是也非十二辰之鐘則為編鐘
十六枚周禮所謂編鐘是也梓人職云厚唇弇口出

目短耳大胃耀後大體短脰若是者謂之羸屬恒有
力而不能走其聲大而宏有力而不能走則於任重
宜聲大而宏則於鐘宜若是者以為鐘虞是故擊其
所縣而由其虞鳴鄭氏康成曰橫者曰筭飾之以鱗
屬植者曰虞飾之以羸屬


金罍




金鐺



金鐃



金鐸




案廣雅云鐃如鐘而有舌又聶氏崇義曰鼓人以金
鐃和鼓注云鐃鐃于也圓如碓頭大上小下樂作鳴
之與鼓相和又陳氏祥道曰周禮小師掌六樂之聲
節與其和和鐃于也國語曰戰以鐃于丁寧倣其民
也又黃池之會吳王親鳴鐘鼓丁寧鐃于振鐸則兵
法固用鐃矣漢大予樂有之又鼓人以金鐸節鼓大
司馬職公司馬執鐸軍行鳴鐸詩曰鉦人伐鼓國語
曰鼓丁寧春秋傳曰射汰輶而著於丁寧說文曰鐸


鉦也韋昭曰丁寧鉦也然則鉦也丁寧也皆鐃之異名鄭康成曰鐃如小鐘軍行鳴之以為鼓節又鼓人以金鐃止鼓鄭康成曰鐃如鈴無舌有秉執而鳴之以止鼓說文曰鉦鐃也鐃小鉦也似鈴柄中上下通樂記曰始奏以文則登歌清廟之類也復亂以武則下管象之類也鄭氏以文為鼓武為鐃豈其然乎又鼓人以金鐃通鼓大司馬職曰兩司馬執鐃又曰三鼓擁鐃三鼓振鐃司馬法曰鼓聲不過閭鞀聲不過

閭鐸聲不過琅鄭康成許慎皆曰鐸大鈴也蓋鐸有金鐸木鐸金鐸舌以金木鐸舌以木金鐸振武事若司馬之振鐸撓鐸揜上振之謂之撓黃池之會官師振鐸是也小宰徇以木鐸鄉師以木鐸徇於市朝樂記曰天子夾振之鄭氏謂王與大將夾舞者振鐸以爲節鐸雖用之於樂然非王與大將振之也晉荀氏得趙人牛鐸然後能諧樂則古人之爲鐸鐫鐃鐸施於聲律皆有當也

磬



編磬



案禮記樂記曰石聲磬磬以立辨辨以致死考工記磬氏為磬倨句一矩有半其博為一股為二鼓為三三分其股博去一以為鼓博三分其鼓博以其一為之厚已上則摩其旁已下則摩其端鄭氏注曰先度一矩為句一矩為股而求其絃既而以一矩有半觸其絃則磬之倨句也磬有大小此假矩以定倨句非用其度也蓋鐘圓中規磬方中矩則倨句一矩有半觸其絃也其博為一疑一律也股為二後長二律也

鼓為三前長三律也股非所擊也短而博鼓其所擊也長而狹鄭司農云股磬之上大者鼓其下小者康成曰股與鼓小大長短雖殊而其厚均也大戴禮曰懸一磬而尚拊則堂上有特懸磬矣小胥職云凡懸鐘磬半為堵全為肆注云鐘磬偏懸之二八十六枚而在一筭虞謂之堵鐘一堵磬一堵謂之肆梓人云銳喙決吻數目顧脰小體騫腹若是者謂之羽屬恒無力而輕則於任輕宜其聲清揚而遠聞則於磬宜

若是者以為磬虞故擊其所懸而由其虞鳴小首而
長搏身而鴻若是者謂之鱗屬以為簋凡磬在東曰
笙磬在西曰頌磬

欽定四庫全書

欽定四庫全書
卷四十七

琴



案禮記樂記曰舜作五絃之琴以歌南風琴操云伏

義造廣雅云琴長三尺六寸六分象三百六十六日

廣六寸象六合又風俗通曰七絃法七星聶氏崇義

曰舊圖謂舜作五絃周文王又加二絃曰少宮少商

蔡邕復增二絃故有九絃二絃大次三絃小次四絃


尤小蔡邕本傳無文未知何據桓譚新論云今琴四

尺五寸法四時五行又案琴徽稱琴體為之自臨

岳至龍齧折半立第七徽又各折半立第四徽十徽

又再折半立一徽十三徽又度臨岳至龍齧三分之
立第五徽九徽又六分之立第二徽第十二徽又度
臨岳至龍齧五分之立第三徽六徽八徽十一徽當
徽取汎聲則有聲不當徽則無聲也


瑟



案禮記樂記曰清廟之瑟朱絃而疏越有遺音者矣
鄉飲酒禮燕禮皆有人左何瑟尚書大傳曰大瑟朱
絃疏越蓋越瑟底孔也疏達通之也朱絃練而朱之
也絲不練則勁而聲清練則熟而聲濁孔小則聲急
大則聲遲故歌清廟之詩所彈之瑟疏越以遲其聲
然後不至於太急練絲以濁其聲然後不失之太清
也世本曰庖犧作瑟五十絃黃帝使素女鼓之哀不
自勝乃破為二十五絃具二均聲爾雅曰大瑟謂之

灑舊圖云瑟長八尺一寸廣一尺八寸二十三絃其
常用者十九絃其餘四絃謂之番番贏也頌瑟則長
七尺二寸廣尺八寸二十五絃盡用之

管




案禮記明堂位下管象樂記曰從以簫管前此虞書

曰下管周禮小師掌教管笙師掌吹管大司樂有孤
竹孫竹陰竹之管燕禮大射禮皆下管新宮蓋匏竹
在下故於堂下吹管以播之也鄭司農曰管如簾六
孔說文亦曰管六孔十二月之音鄭氏康成曰管如
笛而小併兩而吹之今大予樂有焉廣雅云管象簫
長尺圍寸八孔無底夫併兩吹之則象簫之說信矣
而八孔之說則未確也且管或作琯則古者之管殆

有以玉為之者乎 又案管六孔諸圖俱止五孔殆
併上出之吹孔而為六與

簫




案禮記月令仲夏之月均管簫樂記曰從以簫管周禮小師掌教簫笙師掌吹簫詩簫管備舉爾雅云大簫謂之言小者謂之箛舊圖云雅簫長尺四寸二十四弦頌簫長尺二寸十弦博雅云簫大者二十四管無底小者十六管有底蔡氏邕曰簫編竹有底長則濁短則清以審室其底而增損之則和蓋皆述其所傳然也風俗通云舜作竹簫以象鳳翼則簫之來也久矣

簾

案周禮笙師掌教歛簫爾雅大簫謂之沂孫氏炎曰
沂悲也郭氏璞曰簫以竹為之長尺四寸圍三寸一
孔上出寸三分名曰翹橫吹之小者尺二寸聶氏崇
義曰先鄭云七孔賈疏云九孔皆誤惟廣雅云八孔
為是

筭



案竽笙之大者禮記月令仲夏調竽笙周禮笙師掌教歛竽先鄭云竽三十六簧賈疏竽長四尺二寸鄭康成云竽管類用竹為之形參差象鳥翼韓非曰竽者五聲之長故竽先則鐘瑟皆隨竽唱則諸樂皆和蓋後世之樂然也竽三十三管宮管在中央又禮記明堂位女媧之笙簧詩小雅曰吹笙鼓簧爾雅云大笙謂之巢小者謂之和郭氏璞注列管匏中施簧管端大者十九簧小者十三簧舊圖云笙長四尺謂管

參差有如鳥翼至簧為笙中之舌或者離笙簧為二
物誤矣

案竽笙有大小之別其制則同故以一竽槩之

古 壩 面



古 壩 背



今 壩



案禮記樂記云聖人作為壝簾周禮小師掌教壝注

云壝燒土為之大如鴈卵謂之雅壝郭氏璞爾雅注云大如鷩子銳上平底形如稱錘小者如雞子謂之頌壝凡六孔上一前三後二世本云暴辛公作壝圍五寸半長三寸四分又案白虎通曰壝坎音也壝在十一月陽氣於黃泉之下薰蒸而萌唐樂志曰壝曠也立秋之音萬物將曠黃也然壝土也土位於坤而時立秋則唐志之說是而白虎通之說非也

土鼓




蕢桴



案禮記禮運曰夫禮之初始諸飲食蕡桴土鼓猶若
可以致其敬於鬼神明堂位曰土鼓蕡桴葦籥伊耆
氏之樂也周禮籥章春秋擊土鼓吹豳詩以逆暑迎
寒祈年吹豳雅擊土鼓以樂田畯祭蜡吹豳頌擊土
鼓以息老物蓋樂之作本於籥始於土鼓而周家王
業之興本於豳逆暑迎寒祈年皆本始民事蜡息老
物則使之反本而已故所擊者土鼓而擊之者蕡桴
也土鼓築土為之也杜子春曰土鼓以瓦為皋陶以

革為面然禮運土鼓起於未合土之前與壺涿氏炮
土之鼓異矣蕢或作蒯蓋結草以為桴也鄭氏改蕢
為由非也

鼓



案考工鞀人為皋陶其長六尺六寸左右端廣六寸
中尺厚三寸穹三之一上三正者注以為晉鼓長八
尺鼓四尺中圍加三之一者記以為鼗鼓長尋有四
尺鼓四尺倨句磬折者記以為皋鼓夫曰穹三之一
則中廣而旁窄也曰上三正據注穹上一直兩端又
直各居二尺二寸不弧曲則與皋鼓之參差不正者
異也鼗鼓無文其承上三正言之可知餘輦應朔輦
及雷鼓靈鼓路鼓提鼓鼗鼓縣鼓足鼓楹鼓之屬雖

或飾有不同其鼓制則一惟雷靈路三鼓鄭注有八面六面四面之說舊圖如其說皆一鼓而作多面其制不經且開元間用之不可考擊宋太常集禮路鼓聚四鼓於一架雷鼓八面靈鼓六面亦如之則又成編鼓不可為訓也要之鄭說當自有本後失其傳不應以臆為說又縣鼓應有筭虞考工止言鐘磬之筭虞而不及鼓據明堂位云夏后氏之龍筭虞其為鼓設與然彼注則第以鐘磬言也並闕之又案詩大

雅商頌虞業必合鼓言之又明堂位言周縣鼓則鼓
有簋虞可知但考工記梓人簋虞第言鐘磬而不及
鼓惟明堂位言龍簋虞而不言所縣之器豈即鼓之
簋虞與然注固以鐘磬言也闕之

鼙鼓
應鼓
號號
應應
鼙鼙




案大射禮云建鼓在阼階西應鼙在其東一建鼓在其南朔鼙在其北詩曰應田縣鼓先儒以田為幟幟小鼓應應鼙也今大射有朔鼙應鼙詩又以應配幟則朔鼙乃幟鼙也以其引鼓焉故曰幟以其始鼓焉故曰朔是以儀禮有朔無幟周禮有幟無朔鄭氏以應與幟及朔為三鼓恐不然

鼗




案禮記月令曰脩鞀鞀儀禮大射鼗倚於頌磬西紘
周官小師掌教鼓鼗鼗瞽矇掌播鼗鼗眡瞭掌教播鼗書
曰下管鼗鼓其制鄭氏以為如鼓而小持其柄搖之
旁耳還自擊是也案小鼓有柄曰鞀大鞀曰鞀則鞀
也鞀也鼗也大小有殊而其制一也

提鼓



案陳氏祥道曰鄭康成云鼓柄曲木植立馬上賈氏公彥云鄭據當時有單騎以況周其實周時無騎法也然公羊傳稱齊晉相遇以鞍為几禮記稱前有車騎蓋古者容或有騎其說辨矣然所引特或有之事若四時之田當以常法論則賈說是也況提為提持之義不必單騎也

拊



案禮記樂記曰會守拊鼓明堂位謂之拊搏書則謂之搏拊蓋以其或搏或拊莫適先後也陳氏祥道曰拊之為物以韋為之狀若鼓然書傳所謂以韋為鼓是也實之以糠白虎通所謂拊革著以糠是也其設則堂上尚書所謂搏拊是也其用則先歌周禮所謂登歌合奏擊拊是也樂記注云拊一名相相即拊也然既曰會守拊鼓又曰治亂以相則拊非相也鄭氏以拊為相誤矣且玩經文會守之義則拊也者殆衆



樂待之而動者與

欽定四庫全書

卷四十七

杙

止



案書曰合止祝敔詩曰鼗磬祝圉周禮小師掌教祝

敔禮記樂記曰聖人作為柷敔明堂位有拊擊蓋祝
敔以柷敔為體柷敔以戛拊擊為用故柷敔戛拊擊
先儒皆謂之祝敔也爾雅云所以鼓祝謂之止郭氏
璞注云祝如漆桶方二尺四寸深一尺八寸中有椎
柄連底桐之令左右擊止者椎名鄭氏康成云合樂
之詩投椎其中而撞之聶氏崇義從鄭說今太常樂
亦人執其椎投而擊之蓋祝以合樂也鼓祝謂之止

欲戒止於其早也。祝方二尺四寸為陰。樂作於陽。故以陰數成之。

敵



籟




案爾雅云所以鼓敔謂之籥郭氏璞注云敔如伏虎
背上有二十七齟齬刻以木長尺櫟之籥者其名也
唐制則用竹長二尺四寸破為十莖於敔背橫櫟之
又鄭注云敔木虎也背有刻所以鼓之以止樂蓋鼓
敔謂之籥欲脩潔於其後也敔二十七齟齬為陽樂
止於陰故以陽數成之

牘

應



雅



案陳氏暘曰牘以竹為之殺其聲而使小以節樂也
牘長者七尺短者三尺虛中無底應如桶而方長六
尺五寸中象祝有椎連底左右相擊以應祝禮圖其
形正圓而外皆朱雅旁有兩紐疏畫為雲氣

干

戚



戈



案陳氏祥道曰古之舞者或以干配戚或以干配戈

案司兵職授舞者兵注以干戚言又據文王世子春夏學干戈陳說本此盾以革為之其

背曰瓦

左傳中其盾瓦

其瓦設錫朱干朱質而繪以龍龍之

外又繪以雉羽繫之以繡陳氏暘曰廣雅鉞戚斧也

六韜曰大柯斧重八斤一名天鉞毛氏萇謂斧隋登


斨方登戚斧也揚鉞也書一人執劉孔氏穎達曰劉

鑣斧也蓋名異耳考工車人柯長三尺博三寸厚寸


五分其長以其一為之首則首六寸矣黃鉞飾以金

玉戚飾以玉又考工冶氏戈廣二寸內倍之胡三之
援四之注云句子戟也廬人疏戈戟有胡向下皆為
句兵據冶氏則胡其子也長六寸援長七寸半胡下
柄接秘處曰內長四寸柄以木或竹長六尺六寸曰
秘又曰廬陳氏祥道曰胡曲而下垂者也援直而上
達者也秘所以受胡者也或謂之雞鳴或謂之擁頸
皆胡也


帔 舞




羽



簫



皇 舞



案聶氏崇義曰羽舞皇舞案舞師注曰羽析白羽為之形如帔陳宛丘詩曰無冬無夏值其鷺羽值者持也鷺羽即鷺翮謂舞者所持以指麾又蔽翳其身也樂師注云皇謂雝五采羽如鳳皇色持以舞籥師掌教國子舞羽吹籥祭祀則鼓羽籥之舞注云鼓之者恒為之節也又舞師掌教羽舞帥而舞四方之祭祀教皇舞帥而舞旱暵之事注云四方祭謂四望旱暵謂雩也暵謂熱氣或曰籥之六孔者蓋籥章所吹之

簫也其三孔者舞人所吹之簫也舞人左手執簫右手秉翟三孔為宜若五孔則非一手能開閉也存之以備叅

旄 舞



案陳氏祥道曰鼓人曰凡祭祀百物之神鼓兵舞帔
舞者舞師掌教兵舞帥而舞山川之祭祀教帔舞帥
而舞社稷之祭祀教羽舞帥而舞四方之祭祀教皇
舞帥而舞旱暵之祭祀樂師教小舞又有旄舞人舞
帔舞裂五采繒為之

先儒曰析五采繒如漢
靈星舞子所持者也

羽舞析

衆羽為之皇舞以皇羽為之旄舞以鸛牛尾為之采
繒之飾盛於衆羽衆羽之飾盛於皇羽皇羽盛於旄
干則執之而無飾人則手舞之而無執樂師先之以

帔舞羽舞次之以皇舞旄舞而後之以干舞人舞以飾之隆殺為序故也人君有山川為之阻固然後可以保社稷保社稷然後可以有事於四方有事於四方然後可以待變事舞師先干舞以祀山川帔舞以祀社稷羽舞以祀四方皇舞以舞旱暵之事以事之先後為序故也鄭司農云社稷以帔宗廟以羽四方以皇辟廱以旄兵事以干星辰以人舞鄭氏康成曰四方以羽宗廟以人山川以干旱暵以皇然古者之

於大祭祀有備樂必有備舞春秋書有事於大廟萬
入去籥則宗廟用干與羽矣若夫散而用之則有所
不備故山川以干社稷以帔四方以羽旱暵以皇然
則司農康成之論不知何據然也旄人掌教夷樂凡
祭祀賓客舞其燕樂明堂位以禘禮祀周公而納夷
蠻之樂於大廟則宗廟亦以旄也然司兵祭祀授舞
者兵司戈盾祭祀授旅賁及故士戈盾授舞者兵亦
如之大司樂大射詔諸侯以弓矢舞樂師帥射夫以

弓矢舞則兵舞不特以干而已然則鄉大夫鄉射之
禮五物詢衆庶而終之以興舞蓋以弓矢舞與然舞
者所為樂之極而樂之盛者也以其為樂之極故樂成
而後詔舞以其為樂之盛故小祭祀不興焉舞師凡
小祭祀不興舞文王世子曰既釁器用幣然後釋菜
不舞



欽定周官義疏卷四十七



覆校官庶吉士臣茅元銘

校對官中書臣孫希旦

膳錄舉人臣吉士璜

繪圖監生臣勵守淳